

金石萃編

掃

葉山房發行

唐

駝署

金瓶梅

卷一

第一回

一

金石萃編卷一百四十二

賜進士出身 誥授光祿大夫刑部右侍郎加七級王祖讓

宋二十

邵陽縣戒香寺碑

碑連額高五尺二寸五分廣二尺七寸
四分二寸行行三十字連額並正書

邵陽縣重興戒香寺碑

近據臨洽鄉百里社僧文才陳狀元係河中府榮河縣
開元寺十王院授業於紹聖貳年拾壹月中巡禮到同
州邵陽縣臨洽鄉百里社本邨全社人張志用等請文
才住持本社古蹟有額

戒香寺壹所初見本寺名額年歲深遠累經霖雨損壞
了碑額欲乞移膝本州造帳司勘會本寺從初係省帳

并

勅賜名額照憑出給收執所貴久遠住持伏乞指揮尋
行勘會得僧文才住持戒香寺別無違礙及打錄到本
寺舊來開元拾貳年 戒香寺碑文尋牒造帳司照會
去後卻准本司牒稱尋將累年申 省僧道等文帳照
會得上件

戒香寺係古蹟常住地土房舍

勅額存雷 檢准天禧貳年四月貳拾柒日

敕勅節文係帳拘管請將前件置碑 及重興

勅賜年月日照會仍請指揮前件僧文才等常切看管
住持及自今後依例供申僧行文帳施行

右給重興公據付臨洽鄉百里社張志用并僧文才
等同共住持上件

戒香寺每年供申僧行文帳施行

紹聖四年拾月拾六日住持戒香寺主僧文才并書

縣尉武 右班殿直監酒稅權主簿陳 宣義郎知縣

事口 朝散郎通判知軍州事鄭 本寺地一項下院

豆莊興善寺地四頃余

朝散大夫充實文閣待制知軍州事呂

紹聖五年四月初八日立石記 刻字薛隱

韓宗厚墓誌

石高廣俱三尺九寸三十七
行行三十七字正書在許州

宋故承議郎充慶成軍使兼知河中府榮河縣及管內
勸農事驍騎尉賜緋魚袋韓府君墓誌銘

朝散郎前通判永興軍府兼管內勸農事兼陝西制
置解鹽司句當公事上輕車都尉賜緋魚袋朱光裔
撰

朝請郎充集賢殿修撰知鄧州軍州兼管內勸農事

兼京西南路安撫司公事上柱國賜紫金魚袋杜紘

書

朝請大夫管句西京嵩山崇福宮上柱國賜紫金魚

袋吳安常篆蓋

紹聖元年六月廿九日承議郎慶成軍使韓君卒於官所享年五十三越四年九月廿二日葬於潁昌府長社縣嘉禾鄉靈井里先塋之次嗣子狀 君世緒德美挺子曰 先君之葬有日矣敢請銘尙顯揚於不朽子惟親友之契不宜以固陋辭 君諱宗厚字敦夫潁昌府長社人也曾祖諱保樞贈太師開府儀同三司陳國公祖諱億皇任太子少傳致仕贈太師開府儀同三司吳國公諡忠憲考諱緯皇任尙書比部郎中知解州贈右光祿大夫曾祖妣郭氏周氏並封陳國太夫人祖妣蒲氏王氏並封吳國太夫人母仁壽縣太君李氏故太子少傳致仕諡康靖李公之女 君以康靖公蔭補太廟齋郎初任徐州沛縣主簿秩滿授江寧府上元縣主簿大興水利溉污萊爲良田者至二千七百餘頃創爲堰閘視時水旱而均節之民獲其利歌詠載涂丞相王文公爲守上其狀於 朝以勞應格特轉光祿寺丞文公知其才事多委於 君以辦治稱知溫州永嘉縣篆書

天平軍節度判官廳公事河決曹邨口水暴至城下危在漏刻 君建議浚古黃河故道以殺其勢太守而下畏避不決 君請獨任其事太一夕而涸郡民饗在父爲人毆傷在往報之更廿五日而卒獄具當抵死 君曰父被困辱而爲此情有可矜太守嘉其議爲讞於朝得減死論孫宗者以忿殺人吏鬻其獄罪止於杖君摘發姦狀卒致於法歲饑詔貸常平種錢有司并給仕宦之家 君以爲非 朝廷惠養困窮之意不當濫及遂止簽書鎮安軍節度判官廳公事時有劇賊未獲捕者利重賞執小盜以告因交通獄吏鍛鍊成罪 君臨訊立辨其誣爲正其獄後竟獲眞盜一郡稱爲神明京畿積水爲害議者欲隨勢疏決自陳達於蔡河 君曰陳地卑下歲苦流潦今又并受衆水是使鄰境爲壑民必受弊事亦不行 君自光祿寺丞四遷至承議郎賜六品服娶張氏封仙源縣君再娶朱氏封長壽縣君男八人理太廟齋郎卒琬郊社齋郎琬琬未仕餘皆早亡女四人長適前登州防禦判官劉復次未嫁而卒二在室孫二人 君天性樂易通敏篤好學問屬文口速而壯麗可喜有文集百卷藏於家光祿公口館養母夫人左右順適得其歡欣歲時甘珍之奉雖遠必致 君

之亡也母夫人悲思曰天奪我孝子矣韓氏大家 君處尊口間曲盡敬愛遇人推誠相與久而益親長於吏治雖案牘叢委一視察其隱伏吏人畏惕不敢欺屢佐顯人事有不可者守正不移雖在卑宦以氣節自任練達當世之務嘗上書言元祐間更按問法天下斷獄死者滋衆請復舊條乞比較州縣獄死之囚數多者行罰皆根於仁厚之意王文公爲世儒宗樂教育後進 君嘗執經請益得其精微之旨既輔政同時預丈席者多被薦擢屢欲用 君而輒齟齬不諧通塞之分豈人力也哉銘曰

夙稟軼才 自負奇志 詎經儒宗 究極精義 寓於內行 竭孝奉親 思均宗黨 愛譽欣欣 當官而行 弗倚弗比 平反庶獄 建設長利 並游之俊 方駕騰驤 君口不偶 命也何傷 屈於遠用 尚有修名 刻石垂休 後裔其承

潁川古剏刊字

宗厚韓億之孫緯之子東都事略無緯傳故宗厚亦不見于史按碑載宗厚歷官自光祿寺丞四遷至承議郎賜六品服所泣之地多能興水利斷疑獄文繁不具載又云嘗上書言元祐間更按問法天下斷獄

死者滋衆請復舊條乞比較州縣獄死之囚數多者行罰事皆可傳又云王文公爲世儒宗樂教育後進君嘗執經請益既輔政屢欲用君而齟齬不諧是宗厚不附安石尤可嘉尙蘇軾以爲王氏之學好使人同已化天下皆爲王氏之學一望皆黃茅白葦蓋是時如宗厚者固少矣杜紘字亦有唐人風格碑云葬于潁昌府長社縣嘉禾鄉靈井里先塋之次是亦附億也今方志亦載億墓而遺宗厚墓

中州金石記

按韓宗厚爲億之孫誌云祖諱億皇任太子少傳致仕贈太師開府儀同三司冀國公諡忠憲宋史億傳云以太子少傳致仕卒贈太子太保諡忠獻與誌不同東都事略亦贈太子太保而諡作忠憲與誌同誌云潁昌府長社人億傳云其先真定靈壽人徙開封之雍邱宋史地理志潁昌府本許州元豐三年升府此誌刻於紹聖四年故稱潁昌府長社縣是其所屬縣有嘉禾鄉卽韓公葬所然則史作雍邱人者豈韓億時遷雍邱而其子若孫再遷長社史不及書歟然何以此誌又不云自雍邱遷也億有八子綱綜緯繹維縝緯繹宗厚爲緯之子是億之第七子所出而位不甚顯功業又無可

述政史傳所不及誌云君以康靖公蔭補太廟齋

郎康靖李公為宗厚之外祖蓋用外祖蔭入仕也

此誌撰者朱光裔書者杜紘篆者吳安常史惟杜

紘有傳字君章由右司郎中大理卿以直祕閣知

齊鄧二州復為大理卿權刑部侍郎加集賢殿修

撰為江淮發運使知鄆州此誌系銜則知鄧州時

已充集賢殿修撰傳與誌異也

真武經

石刻字處高三尺五分廣二尺作三層書每層三十一行行各十七字正書在嵩山

元始天尊說北方真武經文不錄

宋元符二年歲次己卯正月甲辰朔二十八日辛未

河南宋溥書并立石

武宗孟薑

張士寧刊

元符二年宋溥書宋未有名而其書秀雅可觀頗似

趙文敏且嵩碑記絕無小正書錄之嵩陽石刻記

韓宗道墓誌

石高廣並四尺二寸四十分行四十字正書在許州

宋故通議大夫充實文閣待制上柱國南陽郡開國侯

食邑一千三百戶致仕韓公墓誌銘并序

朝奉大夫充集賢殿修撰知泰州軍州兼管內勸農

事上輕車都尉曾鞏撰

朝請郎試中書舍人兼侍講上輕車都尉賜紫金

魚袋趙挺之書

左朝議大夫實文閣待制知潁昌軍府事兼管內勸

農使京西北路安撫使柱國吳安持篆蓋

太中大夫實文閣待制知杭州兼兩浙西路兵馬鈐轄

上柱國南陽郡開國侯食邑一千三百戶韓公諱宗道

字持正年七十有一上書謝事優詔許之遷通

議大夫命未至公卒于位三子曰璩曰瓌

河南府軍巡判官曰琪承務郎皆前死一孫曷郊社齋

耶其弟朝散郎宗直請于朝往護公喪既

而枉道過予為公請銘子與公同時為郎尚

書已而偕為從官既故且成銘其可辭韓氏世家常山

自累贈太師開府儀同三司冀國忠憲公諱億以

文學起家致位政府始葬其父累贈太師開府儀

同三司陳國公諱保樞于潁昌府之長社縣遂為潁昌

人忠憲公八子二為宰相一為門下侍郎一知制

誥知制誥者諱綜累贈太尉公考也世德淵

源其來有自至公三世而盛大光顯實幾百年其

間魁壘傑出為一時之望者相繼有人至於孝謹恂恂

行稱於家材見於事者亦多可紀 公其一也

公孝友慈祥自少無子弟之過事諸父盡子職不獨於其親然也其遇人豁然不立畦畛其爲吏廉平無私所至勤勞公家不簡細故雖貴且老未嘗怠以止也其爲近侍中立不倚不事夸奪雖有懷心者莫之忌亦莫得而侮也故在家爲賢子在官爲能吏而在 朝廷

爲良士孔子稱詩之夙夜匪懈又曰無忝爾所生以爲大夫士之孝若 公可以當之矣初 公以忠憲

公恩補將作監主簿三遷大理評事監潁州商稅務會汝陰闕縣令號多職田前攝事者垂得口入而州俸

公代 公辭不得則過職田期而后往代時

公年尙少衆伏其廉嘉祐四年鑲其廳中進士第知越州餘姚縣 公仕頗已有能聲至是摘姦字良治行

益白歷監在京皮角庫簽書彰德軍節度判官事歲饑請發官粟貸貧民民賴以濟熙寧初知巴州時

天子進用二三大臣鼎新政事 公以名家子有聞於時近侍多薦 公宜在臺閣大臣亦雅知 公

會 公叔父康國公去相位卽擢 公成都府路轉運判官兼管勾常平農田水利差役事講議法制必

究利病因革損益視理如何不務紛更不膠舊貫繇是

一時同事者初雖異意卒皆紬已從 公服其平正

而凡有改爲蜀人不知其擾入爲開封府判官復出提點河北西路刑獄徙淮南南路轉運副使兼提舉常平市易事八遷尙書工部郎中時市易法初行任事者希功旁緣漁奪 公數裁之不聽則致之于理 朝

廷聞之遣官行視任事者得罪去 公亦徙知廬州

蓋 公當官不撓其守類如此歷知鳳翔府潞州官

制行召爲尙書戶部郎中使契丹還歷太常太僕少卿

尙書左司郎中太府卿元祐三年擢權戶部侍郎均節

食貨號爲稱職真拜刑部侍郎未幾復爲戶部以寶文

閣待制權知開封府聽決平恕不事苛察守中循理不

苟虛譽歲餘復還戶部五遷太中大夫紹聖初除寶文

閣直學士知成都府以喪子辭求便郡遇以待制知陳

州徙青州兼京東東路安撫使又徙瀛州兼高陽開路

安撫使又徙杭州卒時紹聖四年七月甲子也元符二

年七月十四日葬長社縣嘉禾鄉耐 忠憲公光

公在朝數言事嘗請擇守令明黜陟以覈能不立嫁

娶喪祭之制使貧富各安其分 詔有司節浮費

興遺利量入爲出以制國用它所建白類如此有文集

二十卷藏于家 母劉氏追封韓國太夫人妻聶氏

追封許昌郡君一女適祠部員外郎宋景年孫女三人
長適西京伊陽縣主簿宋晟餘尙處銘曰

有倬韓宗 肇自美公 子孫馮厚 益熾而崇 有

公有孤 曰仲叔季 亦有持豪 從容風議 猗與

南陽 克紹厥世 豈惟勢榮 德亦是似 崛起于

少 吟哦六經 出偕寒雋 擢第王庭 廼使四方

明國若否 廼將八州 宜民父母 地官之亞

天府之長 在人無非 在己無枉 既果於退 亦

全其歸 命書在道 歿有光輝 潁川之郊 其原

膺膺 嗟矣無怍 往從父祖

宗道韓億之孫綜之子東都事略韓綜傳云子宗道

元祐初爲戶部侍郎寶文閣待制餘無所及宋史亦

同碑述宗道在朝數言事嘗請擇守令明黜陟以覈

能立嫁娶喪祭之制使貧富各安其分詔有司節

浮費興遺利量入爲出以制國用有文集二十卷可

補史之缺碑字亦完好今億碑在許州城東北三十

里碑云葬長社縣嘉禾鄉耐忠憲公兆是耐億葬也

方志失載宗道墓非是趙挺之宋史有傳書史會要

稱其工筆札其蹟襍見鳳墅續法帖中蓋未覩此碑

中州金 石記

按韓宗道爲綜之子綜爲億之第二子宋史有傳
字仲文累遷刑部員外郎知制誥卒不言贈太尉

史之畧也傳附載宗道爲戶部侍郎寶文閣待制
據誌則除寶文閣直學士知成都府以待制知陳

州青州徙瀛州杭州卒史俱畧之此誌叙其實則
云韓氏世家常山自億始葬其父保樞于潁昌府

之長社縣遂爲潁昌人然則遷潁昌自億始較宗
厚誌加詳而亦不言遷自雍邱誌叙三子一孫千

前而末乃及其母妻一女三孫女是又一例也誤
者曾肇書者趙挺之篆者吳安持史皆有傳肇字

子開羣弟坐罪降爲滁州稍復集賢殿修撰歷泰
州海州挺之字正夫密州諸城人由知楚州入爲

國子司業歷太常少卿權吏部侍郎除中書舍人
給事中不言其兼侍講安持附見吳充傳充子安

詩弟官都水使者遷工部侍郎終天章閣待制此
系銜寶文閣待制知潁昌軍府史全畧之

州學二大字

石高六尺六寸廣三尺五寸五分州字方二尺三寸
學字廣二尺五寸高二尺九寸正書在東平州

翰林院承旨蔡卞題

州學

元符二年中元前一日

按蔡卞爲京弟傳稱紹聖元年復爲中書舍人兼
國史修撰遷翰林學士四年拜尙書左丞而不言
其爲翰林院承旨其於鄆州亦未嘗歷官不知何
以有二大字姑存之備攷

鄆縣利師塔記

碑連額高四尺五寸廣二尺二寸五分共十八行
行三十二字額題宋故利公塔記並正書在鄆縣

宋故京地府鄆縣白雲山主利師塔記

講經律論臨壇僧道雅書并題額

夫寂滅之道寒暑無以迭遷妙極之源生死無以交謝
良由空華生乎翳目輪轉出乎長心若匪大明難除重
闇况迺滅無所滅生無所生身存身亡誰取誰捨不以
驚懼于懷者卽白雲和尚矣師諱得利字子益姓王氏
京地府高陵人也祖父並儒門之士母性仁慈始自幼
年不爲童戲宿植善本深慕靈門誓志出家肄親棄俗
遂依鄆縣白雲山淨居禪院守監大師肄承佛業朝叅
夕奉未嘗懈然於天禧三年慶蒙睿澤削髮受具着如
來衣脫三界之塵累履一真之正路宏道爲美積德爲
欣乃南訪禪宗研味經律定根益固慧目增明既還白
雲住持淨刹締構華宇繪飾聖容不以榮辱而見憂喜

非施則不受非時則不食焚誦無綴孜孜是務持法華
金剛上生三經計十大藏由是心地無塵慈雲有潤德
風遠振高譽遐飛復詣鄉邑住毗沙隆昌寺度小師一
人法稱惠滿實慶曆三年 軋元聖節試中經業抑
亦性閑了義續慧焰以長暉拔濟含靈俾正法而悠久
自非師資敦遇宿契宏因者何其使然耶師以治平三
年十一月十一日託疾而化僧臘四十七俗壽七十一
門人惠滿茶毗收骨瘞于幢竿村古佛院所迄元符元
年建成率堵每歲開闢真乘仰伸報効以其先師之道
業頌得爲記余深愧無文直而書之二年己卯十月庚
子鄆時趙宗輔記

元孫善明 宗緣 曾孫澄愚 澄意 澄觀 澄

照 澄譽 澄月 講金剛圓覺經僧澄靖 孫講

圓覺經僧道因

小師講經律論傳戒僧惠滿立石 安民刊

永泰陵採石記

碑連額高一丈四寸廣五尺二寸二十三行
行三十六字正書篆額在鄆縣永泰寺

大行哲宗皇帝以今年正月十二日己卯奄棄萬國

朝廷循故事遣官採石修奉 陵寢孝廣被 詔同文

思使羅允和宮苑副使帶 御器械變文啊實董其事

凡辟文武官朝請郎孫熙以大及部役等二十有六食以二月十日丁未開山至五月十一日丁丑畢功取大小石二萬七千六百有餘視元豐八年蓋增多五千二百七十有二焉凡役兵匠九千七百四十有四取石既夥懼役兵疲困而功不時集復請募近縣夫五百俾悉挽巨石以訖其事然屬運寒氣癘自京都遠於四方人多疾疫而況大山深谷之間嵐霧蒸鬱朝暮被冒病者宜甚於是時其藥食至覆藉之具無一不備仍分處太醫各俾診治日且躬行巡視由是病者千七百餘人而不可治而死者蓋亦百殫之二逃者纔五十人耳聚者既衆不患食不足常患水不給山之東南舊有碾子一泉方春日用且乏乃並西於桃花谷天井泉至谷口凡四里續大竹二百二十有四引水日二千餘缶於是水給而無渴飲之患前此興作而死者皆留瘞山中及功畢往往不復完掩今廼奉制悉給錢焚收置飲具以歸其家居山土人皆云每至久積陰晦常聞山中有若聲役事之歌者意其不幸橫夭者沉寃未得解脫逍遙而然乎於是大集浮屠衆恭作佛事即重五晝夜爲設冥陽水陸金籙寶符無礙道場以薦拔其苦於其生者既足飲食具醫藥所以撫恤之無不至於其死者又置

欽具設佛事所以度脫之無不盡此無它蓋以謂興大役舉大事使人人忘勞而赴功是亦臣子遵奉之志耳故不敢不勉云元符三年五月十二日朝奉大夫都水使者都大提舉採石曾孝廣謹記

河南府福昌縣主簿提舉採石醫藥韓思永書并篆宮苑副使帶御器械同都大提舉採石文昞立

石

緱山霍希範霍亮霍奕刻

億按永泰陵哲宗塋地也于時修奉陵寢首是役者爲朝奉大夫都水使者都大提舉采石曾孝廣案孝廣字仲錫元豐末爲都水丞元祐中大臣議復河故道召孝廣問之言不可出通判保州久之復爲都水丞見宋史本傳今碑言都水使者卽其職也然于孝廣都大提舉採石竟不附見史文其亦有所未及與宋史禮志哲宗崩徽宗卽位詔山陵制度並如元豐今案碑云取大小石二萬七千六百有餘視元豐八年蓋增多五千二百七十有二然則有司踵事奉行益爲崇侈其靡費已至此而史因依詔文書爲並如元豐其信然與

偃師金石錄

二陵採石記

碑連額高八尺一寸廣四尺三寸二十行行三十二字連額並正書在偃師縣

建中靖國歲在辛巳正月乙亥 欽聖憲肅皇太后

后上僊遺詔追尊 故皇太妃爲皇太后是爲欽

慈皇太后於是 山陵園陵二役並作太史請以

五月丙寅復土而採山之役自昔爲重祇奉 二

陵其用實倍事嚴期迫上下憂懼 朝廷始更用郎

官往護其役遇 詔遣尙書都官郎中曾孝序都

督之而以如京使帶 御器械麥文昞西京左藏庫副

使提點孳生馬監高偉爲之副辟置其屬分督庶務二

十有九人集七路匠師與夫陪役之兵以指計者九萬

六千三百三十石之拔類者其脩至二十有二尺其廣

踰尋其以枚計者二萬七千一百有奇役實始於正月

癸未而終於三月壬午蓋六十日而 奏畢若匠若兵

或死或亡纔二十有九人論者以爲敏而赴功燕及其

衆仰惟 憲肅皇太后有大功於 朝 主

上誠孝充塞天地當此之時百神莫不効職事之所以

獲濟豈小臣之力哉故例皆立碑以紀歲月僚佐有請

顧安得以獨無於是乎書建中靖國元年三月二十六

日朝散郎守尙書都官郎中大都提舉採石護軍賜緋

魚袋曾孝序謹記

前河中府河東縣尉都提舉採石所管句文字史恂

仲題額

朝奉郎監西京偃師縣緹氏鎮管句城內煙火事兼

稅場驍騎尉賜緋魚袋孫應書

西京左藏庫副使提點開封府界孳生馬監同都大

提舉採石高偉

如京使帶 御器械句當翰林司提點萬壽觀公事

同都大提舉採石麥文昞立石 彭阜刻字

億按二陵一爲神宗欽聖憲肅向皇后一爲欽慈陳

皇后並陪葬永裕陵者也宋史徽宗紀建中靖國元

年正月甲戌皇太后崩遺詔追尊皇太妃陳氏爲皇

太后碑所記皆合然少有異者惟云正月乙亥欽聖

憲肅皇太后上僊與史較後一日碑當時所述當不

誤又攷碑之記在是年三月二十六日文內已首稱

二后諡攷之紀乃云四月甲午上大行皇太后諡乙

未上追尊皇太后諡方作記時諡號尚未定文獨豫

稱何也此必立石時追紀及此耳記出之曾孝序孝

序見忠義傳叙其歷官自初筮仕以至死職皆未言

當建中靖國元年爲朝散郎守尙書都官郎中又無

使職如今碑所載都大提舉採石護軍賜緋魚袋而

史並從畧今得之於此碑又可實也 恂 金 石錄

大一丈光明穴在山東南角深三里餘直上五百尺晝夜長明雲鍾洞樵人往二間鐘聲口穴井昔有二人得道一人誤傷而死一人化為鶴此皆公子之所未知方求其死者哀鳴泣血滴石成穴

而丈人之所安宅丈人曰名生於實方義設於適子知其一方未知其二字識其外方未識其內是徒知六

之所有方而烏覩六二之名義東朝嶽祠儼百神方西望洛邑鬱千官方

下歌洛陽其形如拱揖太陽少陽山之明方

在山之南明月峰之左日月之象石城石笋天所形方

故名太陽居泉峰之南故云少陽石城石笋天所形方

上有石天然峭如城檀香丹砂寶所鍾方

山多出檀峰皆紅色光明亦云出鉢孟香爐狀所肖方

形如鉢孟覆其上狀若香爐然連天紫霄勢之穹方

以取出羣峰上插於天漢靈隱來仙洞府深方

皆聖所隱之處古方

上有羅漢洞隱現其靈隱來仙洞府深方

測品中有銅像七尊仙洞府深方

老云此峰有神清涼寶勝梵剎標方

昔有清涼寺居其下又云寺名寶勝瑞應瑤壁祥光紛方

峰多祥瑞夜有神人通體紅色面東一壁日出而色若銀彩紫蓋翠華煙靄凝方

色紫秀苑若嶺蓋以藥堂紫微花其翠靄華茂故云白道天德名字偉方

道人草靈方

多生奇藥若王屋藥白道天德名字偉方

而未覩六二之景氣丈人曰方春陽之益二方燒痕蕪沒而青二紵紅紫之繡錯方引百轉之幽禽雄樓傑觀方切星辰而上侵玉仙神女方乘輜輶而下征朱明草

木之扶疎方蔽大明之午外山樹雲氣之冉三方若覆

甑而鬱蒸忽雨聲於天外方勢翻盆而倒傾唯紫芝與

黃鶴方難長空而產英金鷄之驚葉方山空落石若仙

人之銀聲夜月白而風冷三方玉笙清激而再聽豎元

陰林柯之脫盡方山形瘦而骨稜二冰雪橫積於千仞

方玉龍飛而白虎亭二惟四時之出沒變態方顯晦陰

晴不可得而盡名豈特仰觀俯聽自辰及酉應接之不

暇方以盡朝昏此雖丈人之所不能形容方而豈公子

之所可預聞丈人曰突兀撐空方千變萬狀山經地志

方不可究量或背若相戾方或面若相向或竦若相闕

方或揖若相聘或散若相忘方或聚若相訪或後者若

和方而前者若唱或卑者若下方而尊者若上或喜方

若相携或怒方若相抗或若秦晉方相匹或若楚越方

相望或聳瘦方若峨冠或臃腫方若扶藹或蹲伏方若

駝虎或崇聚方若窺益或威嚴方若壯王或勇猛方若

梟將或尖驟方若風馬或浮空方若舡舫或若遊郊原

方鼎丘墳而包柩柳或若入宗廟方紵豆登而爵柜吧

戰二兮森劍戟落二兮列屏障勢領略兮斷而還連狀
容與兮宛而復壯超然若三十六天兮神仙之洞宅姤
然若三十六宮兮妃嬪之游燕昂霄聳冠冠珮悠兮泉
飛霞傾爵畢流兮天闊星熒玉杵成兮松篁瑟二鈞天
迎兮嬌雲曲月鬢眉新兮煙斜霧蒸龍麝焚兮霞舒霓
卷舞袖張兮雷霆轟二宮車還兮言未既而公子頽然
如醉兮洒然如醒非丈人無以藥之使夢兮刮之使明
僕未能窮茲山之勝踐兮究茲山之曜靈請執杖屨兮
以從後塵

建中靖國元年九月廿三日

住持少林禪寺傳法沙門清江上石

洛陽張士寧刊

四明樓昇令嵩高賦少室賦不足道而書者為武林
僧參寥極得坡公臥筆法道勁古雅即令坡公見之
亦當首肯石墨 鐫華

碑立金壺峯下宋登封令樓昇刻金壺詩於上志載

昇置仰嵩堂於治署圖金嵩於屏著太室二十四峯

詩少室三十六峯賦並序僧曇潛書昇詩殊不足觀

賦序次詳瞻可脩參攷書亦不惡說嵩

棲墨莊知鄉郡塞廣德湖以為田子每過其祠未嘗

不心薄之然墨莊有祖為慶歷之人師有孫為嘉定
之大老故豐惠之祠畫錦之堂梓里不加廢斥也墨
莊知登封最與參寥厚故三十六峯賦乃參寥所書
子襄界之以充四明文獻而抄墨莊嵩山之詩以附
其後吾聞墨莊嘗攜嵩山之石以歸高孝而後南北
隔絕攻媿乃築閣曰登封而貯石于其上其自為記
也三致意于京洛之遺五百年以來喬木消沉閣與
石俱滅沒而碑刻尚無恙斯杜元凱所以惓惓于身
後與歸埔 亭集

右三十六峯賦知登封縣四明樓昇試可所作僧曇
潛書曇潛一名道潛與東坡倡和所謂參寥子者也
朱昂續軌敍說參寥住西湖智果院能文章尤喜為
詩坡南遷素不快者據詩語謂有議刺得罪反初服
建中靖國元年曾子開為翰林學士言其非辜詔復
祝髮紫方袍師號如故碑書于建中靖國元年九月
正參寥初復師號時也潛研堂金 石文跋尾

金石萃編卷一百四十三

賜進士出身 誥授光祿大夫刑部右侍郎加七級王昶誤

宋二十一

梅澤詩并題記

石橫廣二尺七寸七分高二尺二寸七分
分共十九行行十四字行書在鄆縣

宣德郎權知縣事崔琪書

過草堂望終南山

兩峰高插碧天寒雖得春風雪未乾謝展自忘登覽倦

草堂終日凭欄干

經樊川懷杜牧之

杜曲樹連蒼翠外終南雲暗有無中清詩妙句空貽後

不見樊川一老翁

行役述懷

世路侵尋老客顏黃埃遮眼鬚毛斑青山未許教人去

白日何曾放我閑

又

明月一尊酒清風萬卷書南山山下地終欲卜林居

有宅一區有田一頃有酒一尊有書萬卷嗚呼余乎

胡爲乎爭名於時隔此真趣而心與形役自勞其生

乎

崇寧改元三月十四日吳郡梅澤說之題

住持僧紹利立石

余既得琪書李駒詩表而翫之以爲希有其後又得
所書吳郡梅說之過草堂望終南詩等四首又題尾
一段津津然有味于山水之間思往而不可得者梅
之寄意不淺矣使非琪爲之書刻後世之人何從而
吊其遺蹤焉始知山則之奇與人胷中之秀腕筆底
之神率相待而成一時之盛乃山川有更移時世有
隆窳而人之心胷脈脈流行不絕又相爲灌注始終
不介猶歸于變滅悲夫誰爲後來者當與此心期已
墨林
快事

劉晦叔等題名

石高三尺一寸五分廣二尺二寸五分
行六字惟第二行七字行書在盱眙

崇寧元年季春十七日汝海劉晦叔東平畢公叔三封

宋仙民莆陽蔡元長同來

按題名首行季字旁有張謙克讓題五小字蔡元

長卽京也傳載崇寧元年由知定州徙大名府韓

忠彥與會布文惡謀引京自助復用爲學士承旨

其時自定州至大名還都盱眙非道路所經不知

何以來此

皇十七年此云十八所未詳也碑云武功縣南有

慶善宮今爲慈德寺北日報本寺神堯之舊宅焉

據縣志金大定十六年勅賜崇教禪院卽此寺也

報本寺在縣西北一里本唐高祖舊宅大中元年

建爲寺依山立刹中有浮圖高二十尋偉然一邑

之望太宗廟建於元祐三年游師雄因鬼章青宜

結構夏人爲亂謀分據熙河詔師雄往使擒鬼章

報捷遷陝西轉運判官提點秦鳳路刑獄建廟卽

在是時師雄有弟師韓傳所不載賴此碑及之

淨相院詩刻

石橫廣二尺一寸五分高一尺七寸
二分裝十行行八字正書在興平縣

留題淨相院楹軒

宣義郎知縣事彭迪明

萬葉扶疎雙幹脩植臨禪坐色長幽影分渭北千家月

香散山南一檻秋清液冰寒承露結圓苞金重帶霜收

會應登列西州貢庭實寧無橘柚羞

崇寧壬午秋九月書

楞嚴經偈

偈二凡四石第一石橫廣六尺八寸五分第二石六
尺一寸第三石六尺五寸七分第四石六尺四寸七
分高各一尺四寸五分前偈共一百三十五行行八
九字十一字又續偈二十行行六七八九字不等

行書在長清
縣靈巖寺

楞嚴經偈

元符二年十二月十三日莆陽蔡卞書凝寒筆凍殊

不飲工也

續偈

語不
錄

建中靖國元年冬十一月五日池陽慧日院南軒續

此偈

崇寧元年十一月鄱陽齊迅施刻于靈巖寺

住持傳法淨照大師賜紫仁口立石 匠人牛誠刊

按首楞嚴經以阿難誤入魔登伽女之室命文殊

以呪攝鬼旣以徵心辨性復令二十五無學各言

入道之因乃屬文殊揀擇因說此偈取觀世音從

聞思修入三摩地爲第一蔡卞書已見前卷此所

書瀏漓頓挫行法不減元章且通體完善歸池家

可以摹仿也

玉盆題名十二段

橫廣四尺四寸四分高三尺七寸六分
七行行五六字左行正書在慶城縣

崇寧口元口二十有口口臺張元翊成口表武震岐下

口師敏同遊窮谿壑之勝刻玉盆之陽

又高二尺五寸廣一尺九寸五分七

行行十字十一字不等左行正書